

Inungnut Tuhaqtitaujuqhaq

Quviahuutigijaujut Nunallaami Munaqhiliqiijitkunni Kivraqtuqtiit

Aulaqtirvikhaa Ublua: Apitilirvia 19, 2024

Nutgarvikhaa Ublua: Apitilirvia 19, 2024

Nunavunmi-tamaat

60 sec

Ullumi Nunallaami Munaqhiliqijitkunni Kivraqtuqtiit (CHR) Ubluagijaa Nunavunmi Ubluangujuq aqhuuqhaigutigiplugit ilitaqhinirmun akhuurnaktuq havaaq CHR kut atuqpagait aqhuuqhaiplutik aanniaqtailinirmun inuuhirinnaktumik Nunavunmi, taapkuatluat un'ngahiktuni nunallaat.

Ublumi, nan'ngarijavut CHR kut unaguhujittut inmata aqhuuqhutik nakuuhivalliajaanikkut aanniaqtailinirmun inuuhirinnaktumik Nunavunmiunut. CHR kut havakpiaqpaktut munarhiliqijitkunni, tunihiplutik atuguminaktunik aanniaqtailinirmun ilihaidjutinik, ikajughutik kivragtughugitlu taapkununga ihariagijaujunut.

Havakpiagutait ikajuutivaktut munarinirmik aanniaqhimaraaqpangnikkut, piquanuaqhugit inuuhirinnarniitnik, imaalu pijaaqhainnik pitquhikkut-qajarnaktut munarinirmik piinnarialaliqiplugit. CHR vut tunihijut aadlatkiingnik kivraqtuutunik munarhiliqinikkut ilihaidjutinik, aanniarutiqalimaittaami, naunaiqhitivaktutlu ilihagutiqhaita pidjutiqaqlutik Inuit ihumagijainnik inuuhirinnaktutigut, ilaudjutigiplugit timi, ihuma, ukpirnirmik, anirniitlu.

CHR kut nakuuhivalliagutivagait aanniaqtailinirmun Nunavunmiunut pivalliaplutik, atuliqtittinirmun, munarinirmunlu takunnaktunik-ihumagitiplugit inungnut aanniaqtailinirmun ilihagutiqhait piumaniitlu. Hapkua ilihagutaujuqhat ilaudjutilgit Inuit nuatqatigiittiarniagutigutniq hakugingniqhaqhugitlu Nunavunmiut inuujaami inuuhirinnaktumik.

Havaanggit pidjagiqtumik pivangmata ihuaqutigijauvaktut. CHR kut naupkaqpagait ukpiruhirnikkut, piqatigiingniq, hakugingniqhaivakhutik aanniaqtailinirmun tamainnut nunallaat. Uvani ublugani, ilitaqhidjavavut havakpiaqpagainnik qujagilugit aghuupiaqpangmata nakuuhivalliajaami inuuhivut, nunallaagput hivunighavutlu.

###

Tuhaqtipkainikkut Uqarvigijakhaq:

Pierre Essoh
Tuhaqtipkainikkut Ajuittuq
Aanniaqtailinirmut Havagvia
867-975-5712
pessoh@gov.nu.ca

ᑭᓄᓐᓂᓐᓂᓐ ᑕᓕᓕᓕᓐ ᓂᓂᓐᓂᓐ ᓂᓂᓐᓂᓐ ᓂᓂᓐᓂᓐ ᓂᓂᓐᓂᓐ ᓂᓂᓐᓂᓐ www.gov.nu.ca.
Public Service Announcements are available in Inuktitut, English, Inuinnaqtun and French on www.gov.nu.ca.
Kavamatkunnin Tuhaqtitaujukhat haillihimajun Inuktitut, Qablunaatun, Inuinnaqtun Uuiitullu uvani www.gov.nu.ca.
Les messages d'intérêt public sont disponibles en inuktitut, en anglais, en inuinnaqtun et en français au www.gov.nu.ca.

Tuhaqtipkaijiit